



INATSISARTUT

**Aningaasaqarnermut Akileraartarnermullu
Naalakkersuisoq**

Ulloq: 19. december 2023
J.nr.: 01.31.06/23-01062

**Aningaasaqarnermut Akileraartarnermullu Ataatsimiititaliap marlungornermi ulloq
19. december 2023-mi aalajangiineranik Naalakkersuisunut ilisimatitsineq.**

**DANATO-mut aallartitsisoqarneranut aningaasaliissutinik nikisiterinissaq pillugu.
Ataatsimiititaliaq suliaa nr. 01.31.06/23-01062.**

”Naalakkersuisut inassuteqaatigaat,

tassa kontomi pingaarnermi 64.01.01 Naalagaaffinngornissamut Nunanullu allanut
Naalakkersuisoqarfimmut aningaasaliissutit 2.000.000 kr.-nik qaffanneqassasut,

tassa kontomi pingaarnermi 20.11.70-mi Suliniutit nutaanut sillimmatit 2.000.000 kr.-nik
annikillineqassasut

Aningaasaqarnermut Ataatsimiititaliap oqaaseqaatai apeqqutaalu

Suliap matumani pineqartup erseqqinnerusumik nassuiarneqarnissaa ataatsimiititaliamit
kissaatigineqarpoq. Konto pingaarnermi 20.11.70-imi, Suliniutinut nutaanut sillimmatinut
tunngasumi allassimasutut 2 mio. kr.-it Kalaallit Nunaata Kunngaqarfiup NATO-mut
aallartitaanut sinniisumik aallartitaqarneranut atorneqassapput. Tassunga atatillugu Kalaallit
Nunaata NATO-p qullersaqarfiani najuunnera Naalakkersuisunit maannamut qanoq
aningaalersorneqarsimanersoq paasissutissiissutigineqassasoq ataatsimiititaliamit
kissaatigineqarpoq, tassa aningaasat nikisinneqarnissaat aatsaat maanna qinnutigineqarmat.
Tamatuma saniatigut sulisoq nunanut allanut ministeriaqarfiup immikkuullarissumik
aaqqissuussinera malillugu aallartitaammat nunanut allanut ministeriaqarfik
aningaasartuutinit qanoq amerlatigisunik akiliisarnersoq paasissutissiissutineqassasoq
ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangenera

Naalakkersuisut inassuteqaataat Aningaasaqarnermut Ataatsimiititaliami
amerlanerussuteqartunit **akuersissutigineqarput.**

Inussiarnersumik inuulluaqqusillunga

Aasi Chemnitz Narup

Aningaasaqarnermut Akileraartarnermullu Ataatsimiititaliap siulittaasua